



জনসংযোগ কার্যালয়
জাহাঙ্গীরনগর বিশ্ববিদ্যালয়
সাভার, ঢাকা, বাংলাদেশ
ফোন: ৭৭৯১০৪৫-৫১



প্রেস বিজ্ঞপ্তি

জাহাঙ্গীরনগর বিশ্ববিদ্যালয়ে মহান একুশ ও আন্তর্জাতিক মাতৃভাষা দিবস পালিত

জাহাঙ্গীরনগর বিশ্ববিদ্যালয়, ২১ ফেব্রুয়ারি ২০২১।

জাহাঙ্গীরনগর বিশ্ববিদ্যালয়ে যথাযোগ্য মর্যাদায় মহান একুশ ও আন্তর্জাতিক মাতৃভাষা দিবস পালিত হয়েছে। এ উপলক্ষে একুশের প্রথম প্রহরে বিশ্ববিদ্যালয়ের শহীদ মিনারে উপাচার্য অধ্যাপক ড. ফারজানা ইসলাম-এর পক্ষ থেকে শ্রদ্ধাঞ্জলি নিবেদন করা হয়। এসময় বিভিন্ন অনুষদের ডিন, ভারপ্রাপ্ত রেজিস্ট্রার, শিক্ষক, অফিসার, কর্মচারী উপস্থিত ছিলেন। উপাচার্যের শ্রদ্ধাঞ্জলি নিবেদনের পর বিশ্ববিদ্যালয় মহিলা ক্লাব, শিক্ষক সমিতি, অফিসার সমিতি, কর্মচারি সমিতি, কর্মচারি ইউনিয়ন, হল প্রভোস্ট, বিভিন্ন বিভাগ এবং ক্যাম্পাসের বিভিন্ন সংগঠন শ্রদ্ধাঞ্জলি নিবেদন করে। এর আগে একুশের প্রথম প্রহরে শহীদ মিনারের পাদদেশে উপাচার্যের পক্ষ থেকে শহীদ দিবসের পতাকা উত্তোলন করেন গাণিতিক ও পদার্থ বিষয়ক অনুষদের ডিন অধ্যাপক ড. অজিত কুমার মজুমদার। এসময় বিশ্ববিদ্যালয়ের পতাকা উত্তোলন করেন ভারপ্রাপ্ত রেজিস্ট্রার রহিমা কানিজ। সকালে জাবি স্কুল ও কলেজের ছাত্র-শিক্ষকগণ প্রভাত ফেরিতে অংশগ্রহণ করে শহীদ বেদীতে শ্রদ্ধাঞ্জলি নিবেদন করেন।

মো. আবদুস সালাম মিয়া
পরিচালক (ভারপ্রাপ্ত)

